



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De iuramento Cancellarij, & Notariorum substitutorum, & scriptorum.

urn:nbn:de:hbz:466:1-11399

ex constitutionibus Cancellariæ illud præstare debeant; aut aliquando (præsertim in negotijs miserabilium personarum extra forum Archiepiscopale promovendis) aliter Archiepiscopus expressè iusserit.

De iuramento Cancellarij, & Notariorum substitutorum, & scriptorum.

Asumens officium Cancellarij, vel Notarij substituti in Cancellaria, in primis Iuramentum præstet in hac qua sequitur formam.

Forma iuramenti.

Ego N. Sanctæ Mediolanensis Ecclesiæ Canonicus Ordinarius, & Archiepiscopalis Cancellarius, vel si Notarius substitutus sit, omissis verbis supra virgulis notatis, eorum loco hæc infra virgulis notata ponens.

Cancellariæ Archiepiscopalis Not. substitutus,] subdat:

Nihil vel dedi, vel pollicitus sum gratia huius officij obtinendi.

Ero fidelis Reuerendissimo Archiepiscopo; & si sciam aliquid in damnum ipsius, suæq; iurisdictionis ecclesiasticæ, aut Mensæ Archiepiscopalis tractari, illi detegam per me, vel per alium.

Iniunctum mihi officium ex bona conscientia diligenter, ac fideliter exercebo, ad præscriptum Constitutionum, ac decretorum, & reformationum Archiepiscopaliū ad Cancellariam pertinentium: cupiditate, amore, odio, & timore remotis.

De his quæ videbo, & audiam, & requisitus fuero, sine diminutione veritatis, & commixtione falsitatis, conficiam instrumenta, & acta iudicialia; & alia etiam, quæ ad voluntariam Iurisdictionem pertinent, conscribam.

De omnibus instrumentis, & scripturis publicis, quæ asseruari perpetuo, vel ad tempus in Cancellaria constitutum est, librum Imbreuiaturarum, Prothocolum, librum extensorum, Rubricellam, ac alios libros præscriptos conficiam; in illisq; omnia ad præscriptum referam, vel referenda curabo.

Secreta omnia mihi iniuncta, ac etiam omnium causarum celabozattestationesq; testium, ac reorum constituta, & sententias, antequam sint promulgatæ, & à Iudice subscriptæ, nemini pandam.

In causis verò Sanctæ Inquisitionis, de nunciantium, ac testium nomina secreta retinebo, etiam in editione testificationum.

Litigantibus, cum petierint ipsi, vel aliquis eorum, in singulis terminis successivè copiam dabo, cum per Reuerendissimum Dominum Archiepiscopum, seu eius Vicarios, & ministros decreta fuerit; & præcipuè appellantis ad sedem Apostolicam, ad præscriptum Concilij Tridentini, sine reculatione, & fraude.

A litigantibus in quorum causis fuero Notarius, vel à quocunque alio huius Civitatis, & Diocesis homine, seu etiam ab alio, qui in Archiepiscopali hoc foro lites, aut negotia habuerit, habeat, vel habere aliquando possit, directè, vel indirectè, seu eorum nomine quavis de causa non accipiam munus aliquod, vel minimum, etiam spontè oblatum, etiam si esculentum, poculentumve, & quod statim consumi possit.

Instituta officij Cancellariæ, & taxas à Reuerendissimo Archiepiscopo Cancellariæ præscriptas integrè servabo; neque villo modo quidquam supra præscriptum exigam, aut accipiam, etià à spontè dantibus; nec villo vniquam tempore illas etiam declarando, & interpretando immutabo.

Non promouebo, nec procurabo, agave vllam causam, aut litem, aut expeditionem cuiusvis generis, in villo quouis, vel ecclesiastico, vel laicali foro, contra præscriptum harum Cancellariæ constitutionum, & decretorum.

Omnia, & singula supra scripta sine dolo, & fraude integrè præstabo; & ita iuro, & promitto; sic me Deus adiuet, & hæc Sancta Dei Euangelia per me corporaliter tacta.

Hoc idem Iuramentum præstent singuli scriptores Cancellariæ, excepto capite quinto, & septimo, quæ ad illos non pertinent.

De